

**SYNOD MISSION BOARD
RAWNGBÂWLNA CHANCHIN TLÂNGPUI 2024**

I. THUHMA: Rev. William Williams-a kha ni 15 March, 1891 (Pathianni)-ah Mualvum, Kutbul lui chhuah a lo thleng a. Hemi ni hian Mualvum naupangte hnênah Chanchin Ṭha an hril a. Rev. William-a hi ni 29 chauh Mizoramah cham mah sela, Mizorama Chanchin Ṭha rawn hriltu hmasa a nih avângin Kutbul lui chhuah a rawn thlen ni hi Chanchin Ṭha thlen ni atâna hman a ni zui ta a ni. Ni 11 January, 1894 (Ningani)-ah F.W. Savidge (Sâp Upa) leh J.H. Lorrain (Pu Buang) te chuan Sairang an rawn thleng a. Rev. D.E. Jones (Zosâphluia) chu ni 31 August, 1897 (Thawhlehi)-ah Aizawl a rawn thleng a; Mizoram Synod chuan hemi ni hi Ramthar Ni atân kum 1973 ațangin a hmang ța a ni. Rev. Edwin Rowlands (Zosâpthara) chuan ni 31 December, 1898 (Inrinni)-ah Aizawl a lo thleng leh bawk. Chutiang zêlin a hnuah missionary eng emaw zât an rawn kal leh a ni.

Mizorama Chanchin Ṭha a lo thlen ațanga kum 8-na, ni 25 June, 1899 (Pathianni)-ah Mizo Kristian hmasa ber - Khûma leh Khâra ten Baptisma an chang a. Mizo dangte pawhin Pathian thu âwihin, baptisma an lo chang ve ta zêl a, Kristian pawh an lo pung chho va. Chûng Kristian hmasate chuan an theih ang angin mahni khua leh khaw ținawmah te Chanchin Ṭha chu an hril nghâl zêl a. Ni 7 May, 1910-ah chuan Rev. Watkin R. Roberts (Sâp Tlangvala) leh R. Dalla te tirhin Mizo tlangval pathum - Savawma, Thangchhingpuia leh Vanzika te chuan Chanchin Ṭha hril tûrin Senvawn, Manipur an thleng ta hial a ni. Rawngbâwlna hmasa chanchin tlêm târ lang zui ila:

- 1911 - Hrangvungan Tripura rama Bunghmun khuaah Chanchin Ṭha hril tûrin hma a la ța.
- 1913 - Rev. Ṭhianga chu Haflong lamah Chanchin Ṭha hril tûrin a pem thla a; Mission Veng Upa, Upa R. Dalla chu Manipurah Savawma te ținazaho ho khâwm tûr leh kaihruai tûrin a thawk bawk.
- 1925 - Lalbuaia leh Saizînga te chu Ranglong (Tripura) zînga rawngbâwl tûrin Synod-in a tîr.
- 1937 - Mishmi (Arunachal Pradesh) zînga rawngbâwl tûrin mi pahnih tîrh tum a ni a; mahse, Arunachal Pradesh sawrkâr-in an state-ah luh a remtih loh avângin a hlawhtling ta lo.
- 1949 - Home Mission North rawngbâwlna ța niin, Evangelist pathum - Thangzawna, Ronghinglova leh Lalhleia te chu Bru (Tuikuk) zînga Chanchin Ṭha hril tûrin tîrh ța an ni.
- 1959 - Ngopa Kristian Ṭhalai Pâwl-in Paite zîngah Chanchin Ṭha hril țaanin, Upa Neihkhuma chu missionary atâna tîrh a ni.
- 1959 - Rev. Lalthanga, Burma ramah Missionary tûrin Synod-in a tîr. Hei hi tûna Myanmar rama Presbyterian Church lo din chhuahna bul hi a ni.
- 1963 - Vanbawng leh Phuaibuang Bial Kristian Ṭhalai-ten Pu Bungkhawthanga chu Meitei zînga Chanchin Ṭha hril tûrin an tîr.
- 1968 - Synod Mission Board chuan Assam state-a Cachar district-ah leh Karbi Anglong-ah Missionary tûrin Rev. Rokhuma leh Upa K. Saibela te a tîr.

II. SYNOD MISSION BOARD (SMB):

Kan ramah Kohhran a lo din tîrh ațangin kohhranhoten Chanchin Ṭha hril an ngai pawimawh hle a. Mi mal leh tualchhûng Kohhran ținahnemngaihna avângin Chanchin Ṭha hrilin mi eng emaw zât an pen chhuak a. Assembly (tûna Synod)-in Standing Committee hmangin Mission hna a enkawl țin. Kum 1953-ah khân Mission luhchilh bing tûrin Synod Mission Committee a din ta hial a. He Committee hi kum 1961 khân Board puitlingah siam niin, Synod Mission Board hi a

piang ta a ni. Tichuan, SMB chu ‘Synod aiawha Ramthar (Mission) rawngbâwl hna enkawltu’ tiin kan sawi thei ang. SMB chuan hna pui pathum a nei a, chûngte chu:

1. Chanchin Ṭha hril (Evangelism)
2. Kohhran phun (Church Planting)
3. Kohhran enkawl (Pastoral Ministry)

Hêngte hi Thupêk Ropui (Matthaia 28:19-20)-a innghat a ni a. SMB chuan Lal Isua Thupêk hi uar bîk leh thlahthlâk bîk nei lova kalpui tûrin a theih ang tâwkin hma a la a. Chutiingin, Chanchin Ṭha hrila ringthar siam te, Kohhran phun te leh Kohhran enkawl te hi a ngai pawimawh hle. Mahni Intodelh, Mahnia Inrêlbâwl leh Mahnia Chanchin Ṭha hril thei kohhran din tûrin hma a la mêk a ni.

III. INRÊLBÂWLNA:

Ramthar Board-ah hian Presbytery 43 aṭangin 85, Synod ruat 5, Central KTP leh Central Kohhran Hmeichhia aṭangin pakhat ve ve, Ex-Officio te nêan an vaiin member 104 an awm. Budget session-ah hian hotu pali - Moderator Elect, Synod Secretary (Jr) leh Finance Officer pahnih an tel avângin member 104 an ni. Board member aṭang hian Board Executive Committee (BEC) member 15 ruat chhuah leh a ni thîn. BEC bâkah hian SMB hnuaiah Sub-Committee 10 a awm bawk.

Ramthar Board hi kum khatah ṭum 3 (February, April/May & October) a ṭhu thîn a. BEC hian Board ṭhut inkâra ngaihtuah tûr ṭul awm apiang a ngaihtuah thîn a, a ṭhut zât tûr bituk a awm lo. Synod Mission Board Office-ah hian hotu pathum an awm a, chûngte chu Executive Secretary, i/c Mission, Board Secretary leh Coordinator te an ni.

Synod Mission rawngbâwl hna mumal taka a kal theih nân Synod Mission Board-in Field tinah Committee chi hnih - *Field Committee leh Field Working Committee* a siam a. Field Committee hi kum khatah vawi khat tal an ṭhu tûr a ni a, Field Working Committee hi thla khatah vawi khat tal an ṭhu thîn.

SMB Headquarters-in a enkawl bîk - *Home Mission North, Cachar Tlangram leh Masihi Sangati* - te chuan Working Committee an nei ve ve bawk.

IV. RAWNGBÂWL DÂN TLÂNGPUI: SMB chuan kan sawi tâk, a hna pui pathumte tihlawhtling tûrin kawng hrang hrangin rawngbâwlna a kalpui a. Hemi atân hian thawktute pawhin hna chi hrang hrang an thawk hlawm a ni. Kan rawngbâwlna hi *Direct leh Indirect* tiin sawi thîn a ni a. Chutih rualin, kan rawngbâwlnaah hian *Indirect* tia kan sawite pawh hi *Direct*-a Chanchin Ṭha puan darh nâna kan hmante an ni hlawm tih kan hriat tel a ṭha âwm e.

1. Direct Evangelism: Hei hi ‘Mi mal nun luhchilha Chanchin Ṭha hril’ kan tih thîn hi a ni a. *Direct Evangelism* hmanga kan rawngbâwlna ki puite chu *camping, campaign, crusade, Bible tract sem, home visit, rally, childrens ministry* te a ni. Hei hi a tlângpuiin, Evangelist te leh Gospel Team te rawngbâwlna a ni ber. Kan ringthar tam berte hi Evangelist-te rawngbâwlna aṭanga kan neih a ni. Evangelist-te hian ni tin feh chhuakin mi hrang hrang hnênah a remchân dân ang angin Chanchin Ṭha an hril thîn. Bial khat chhûnga Evangelist-te hian khaw dangah te feh chhuakin kawng hrang hrangin Chanchin Ṭha hi mite hnênah an hril bawk thîn. Tûnah hian tûn hma angin Mission Field mal tâna Gospel Team din hi tih thar a ni ta lo va. Thawktu awm ang angte chu a ṭul hun apiangah Team angin an che chhuak mai thîn.

2. Indirect Evangelism: Hei hi kawng hrang hrangin thawh a ni a; Evangelist Teacher te, Doctor/Health Worker/Nurse te leh Craft Teacher te rawngbâwlna a ni ber. *Indirect Evangelism*-a kan rawngbâwlna ki pui deuh te chu:

(1) *Medical Ministry: Medical Ministry* (tihdam rawngbâwl hna) hi ringlote zînga Chanchin

Ṭha hrilna remchâng berte zînga mi a ni a; he lama thawktu leh thawnna hmun (*Medical centre*) hi 118 kan nei mêk. Pathianin he rawngbâwlna hi nasa takin mal a sâwm a, thawktute damdawi chawh leh an enkawlina hmangin Pathian hnathawh ropui leh mak tak tak a thleng mêk zêl a ni. Pathianin a thuam ang zêlin ṭawngṭai leh kut hmanga tihdam rawngbâwlina hi kalpui a ni ṭhîn baw. Doctor/Nurse/Health Worker te rawngbâwlina a ni ber. Doctor, Nurse leh Health Worker-te bâkah hian thawktute leh ringtharte zînga tihdam rawngbâwlina thilpêk dawngte pawh Pathianin a hmang ṭhîn hle a ni.

(2) *School*: School dîn hi *Direct* leh *Indirect* hmanga Chanchin Ṭha hrilna remchâng tak a ni. Kan School-a *evangelism* kan kalpui dân langsâr zualte chu *Devotion, Gospel Week, Crusade, Outreach, Home visit*-te a ni. Pathianin mal a sâwm a, hêng hunah hian zirlaite hnênah Direct-in Chanchin Ṭha tlang takin an hril thei ṭhîn. Tûnah hian Field hrang hrang 12-ah School 61 (High School 19, Middle School 25 leh Primary School 17 a awm a. Hêng zînga HS 15, MS 12 leh PS 2 te hi ram pâwna awm a ni. Thawktute hi Sikul chawlh leh hun remchâng dangah te ringlo kuaah Chanchin Ṭha hrilin an feh chhuak baw ṭhîn.

(3) *Puan ṭhui zirna (Craft Centre)*: Field hrang hrangah Craft Centre 64 kan nei mêk a, hei hi rawngbâwlina leh Chanchin Ṭha hrilna kawngah hmanraw ṭangkai, ringtute tihchakna leh ringlote hnêna rawngbâwlina ṭha tak a ni. Hêng hmunah te hian zirlaite chu *Devotion* neihpuiin thawktuten an hnênah uluk takin Chanchin Ṭha an hrilh ṭhîn. Zirlai eng emaw zâtin Lal Isua hmuh phah nân an hmang mêk a ni. India ram ril lamah Chanchin Ṭha hril a harsa tial tial a; puan ṭhui zirna hmanga rawngbâwlina hi kan hma lâkna ṭangkai berte zînga mi a ni.

(4) *Non-Formal Education*: Ringtharten Bible hriatna kawngah hma an sâwn theih nân *Bible Correspondence* (Bible Râl chhân)-te buatsaih ṭhîn a ni. Sâp ṭawng zirna sikul te pawh dîn a ni baw. Kohhrana an ṭangkai lehzual theih nân kan ringtharte chu ziak leh chhiar zirtîr ṭhîn an ni baw. Hêngte hi ringthar Kohhrante tân a ṭangkai êm êm a ni.

(5) *Sports*: Hêng bâkah hian hmun ṭhenkhat chuan infiamna hi Chanchin Ṭha puan darh nân an hmang ṭangkai hle baw. *Football tournament* te buatsaihin, lawmman an siam a. Inkhelte leh a entute hnênah Pathian thu an lo sawi a, *Bible Tract* te an lo sem baw ṭhîn. Hei hian tualchhûng mite nêna inlaichinna a siam ṭha hle baw. Hei hi a zawngchhang tlâk hle baw a ni.

V. RINGTHAR DINHMUN:

Pathianin kan Missionary-te thawh rimna nasa takin mal a sâwm a, kum tin ringthar ṭhahnem tak kan nei zêl a, a lâwmawm êm êm a ni. Kum 1974 aṭanga 2024 chhûnga kum 5 dân zêl-a ringthar kan neih dân (Sl. No. No 1-7) leh kum 2011 aṭanga kum tina ringthar kan neih dân (Sl No. 8-22) chu hetiang hi a ni:

1. Kum 1974-ah 132	2. Kum 1980-ah 659	3. Kum 1985-ah 1,362
4. Kum 1990-ah 3,497	5. Kum 1995-ah 2,714	6. Kum 2000-ah 3,437
7. Kum 2005-ah 6,072	8. Kum 2010-ah 5,992	9. Kum 2011-ah 5,245
10. Kum 2012-ah 5,512	11. Kum 2013-ah 6,293	12. Kum 2014-ah 7,738
13. Kum 2015-ah 6,067	14. Kum 2016-ah 8,037	15. Kum 2017-ah 7,898
16. Kum 2018-ah 7,639	17. Kum 2019-ah 9,202	18. Kum 2020-ah 5,148
19. Kum 2021-ah 10,319	20. Kum 2022-ah 15,576	21. Kum 2023-ah 10,107
22. Kum 2024 (Jan-July)-ah 5,430		

VI. INSTITUTIONS:

Field lama rawngbâwlina bâkah thawktute *training*-na hmun hêngahte hian a awm:

1. *Missionary Training College (MTC), Mission Vengthlang* : Missionary senior zâwkte tân thla khat chhûng **Refresher course** (kum tin wawi khat) neih ṭhîn a ni a, mi 416-in an zir

chhuak tawh. Missionary Pastor leh Field Secretary ruat tharte tân (kum tin kêr hnih chhông) **Pastor Orientation** neih thîn a ni bawk a, mi 236-in training an zo tawh bawk. Missionary thawk lai tâna **Short Course Training** (thla thum chhông) buatsaih chu mi 396-in an zo tawh bawk. **Bachelor of Missiology** (B. Miss.) hi kum thum chhông zir tûr niin Senate of Serampore College hnuaia awm a ni a, mi 183-in an zir chhuak tawh a ni.

2. *Mission Development Training Centre (MDTC), Bualpui* : Hetah hian Mission Field hrang hranga kan rawngbâwlnaa miten ei zawna ngelnghet an neih theih nân **Trade** paliah Training an nei thîn a. Veterinary-ah mi 120, Carpentry-ah mi 139, Agriculture & Horticulture-ah mi 56 leh Tailoring-ah mi 12 te an training chhuak tawh a ni. Tûnah hian Veterinary-ah mi 4, Carpentry-ah mi 4 leh Tailoring-ah mi 2 an training mêk. Heta zir chhuak tate hian an tângkaipui thîn hle. Rawngbâwlnaah tângkai takin an hmang chho va, a ram mite zîngah ei zawna atâna hmang chho ta mi eng emaw zât an awm tawh a ni.

3. *Presbyterian Hindi Bible School (PHBS), Bawngkawn* : Hei hi Hindi-a Pathian thu zirna hmun a ni a. Zir hun chhông (course khat) hi thla ruk niin, January leh July thla tîrah *admission* tih thîn a ni a, kum khatah batch hnihin an zir thîn . Zirtu tam ber hi hnam dang an ni a, a tângpuiin Mission Field atângin zir tûr an intîr thîn. Kum 1990 atanga Batch 72-an thlengin zirlai 1,782-in an zir chhuak tawh. Tûnah (August 2024) hian zirlai 29 (Mipa 20; Hmeichhiah 9) awm mêkin, Batch 73-na an ni. He hmuna zir chhuakte hi anmahni ram lama an kêr leh hnua rawngbâwltu tângkai tak an ni thîn. Chanchin Tha puan darhna kawnga thawh hlâwk tak leh Missionary-te puitu tângkai tak an ni bawk.

VII. SHORT TERM MISSIONARY RAWNGBÂWLNA:

Hun eng emaw chhông atân mi thiam bîk te, *pensioner* te, sawrkâr hna thawk lai te emaw a ruai thîn. An lâwmman leh an thawh hun chhông tûr hi SMB-in a rêl thîn. Mi mal, short term missionary-a kal duh chuan ama lawina Kohhran hriatpuina lehkha thil telin SMB-ah *Short Term Missionary* hna a dil theih a ni. Hun puma thawh remchâng lo, mahse hun eng emaw chhông atâna missionary hna thawh theihna kawng awm hi Kohhranhote hian uar deuh deuh thei ila, a duhawm hle.

VIII. TENT MAKING MISSIONARY :

Mizoram chhông leh pâwn hmun hrang hranga ringlo zînga hna thawkten mahni eizawna hna thawk chung a missionary nih duhte tân missionary nih theih dân ruahman a ni a. Chutiang mi chu *Tent Making Missionary* tih an ni a, an term hi kum thum a ni. Kan Kohhran mi zîktluak, Kohhran Dân chhông a awm, Mission pâwl dangin hlauh neia an chhawr lai ni lo ten SMB-ah dîlna theh luh theih a ni. *Tent Making Missionary*-te rawngbâwlna hi a hluin, a tângkai hle a ni.

IX. VOLUNTARY MISSIONARY: Synod Mission Board atanga hlauh beisei lova mahni inchâwma missionary hna thawk duhte tân an thawh dân tûr ruahman a ni a, chutiang mi chu 'Voluntary Missionary' tih an ni. An thawh chhôngin inkaihhraina kan neihte zâwm ve vek tûra beisei an ni a. An thawhna hmuna an kalna leh hawna bâkah an chenna in tûr ngaihtuhsak an ni.

X. RAMTHAR CHANCHINBU: Ramthar Chanchinbu hi kum 1984 atanga tihchhuah tan a ni a. Tûnah hian kum 40 a lo tling ve ta a, a bu chhut zât (August 2024) chu 38,400 a ni. Mizoram Synod chhôngkua 1,39,990-ah chhôngkua 1,00,000 chuang chu Ramthar hian a thleng phâk lo. Ramthar Chanchinbu hi Kohhran mipuiin Ramthar rawngbâwlnaa kan Kohhran chêt dân kan hriatna pawimawh tak a ni a. Tin, missionary, hmun hrang hranga awmte pawhin an rawngbâwlna chanchin an inhriat tawna a ni bawk. Rawngbâwlnaa hma kan sâwn zêl theih nân a chhiar kawngah tan kan lâk a pawimawh hle a ni.

XI. MISSION/PÂWL/KOHRAN DANG NÊN THAWH HONA:

Tûnah hian Mission/pâwl hrang hrang nên thawk hovin, thawktu kan tîr mêk bawk a ni. Kan thawhpui pâwlte nên hian sum leh pai leh thawktu mamawh inphuhru tawnin rawng kan bâwl ho va, a zawngchhang tlâk hle. Partnership kan neih chhante chu:

1) Zau zâwka rawng kan bâwl theih nân te, rawngbâwlna zau zâwka mi dangte nên kan thawh ho theih nân te leh rawngbâwltu chi hrang hrangte hmanga khawvêl kohhran dangte nên rawng kan inbâwlsak tawn theih nân.

2) Keimahni ngawta rawng kan bâwl a remchân lohna hmuna thawhpuite hmanga rawng kan bâwl theih nân leh Kohhran hrang hrangte nên rawngbâwlna kawnga kan inpumkhat theih nân.

(a) Partnership kan neihpui, thawktu kan va pêk/thawh an awm a.

1) India Missions Association	-	1
2) Emanuel Hospital Association (EHA), Delhi (1980)*	-	1
3) Serving In Mission North East India (SIMNEI) (2008)	-	2
4) Seva Bharat (2008)	-	5
5) Dar-Ul-Fazal, Manali, Himachal Pradesh (2011)	-	2
Belh khâwm	-	11

[*EHA hi sum leh paiin kan pui tel bawk.]

(b) Partnership Agreement neia suma a ÷anpuite:

1) Darjeeling Hills Bible School, Mirik (2008)	2) Union Biblical Seminary (UBS)
3) Evangelical Fellowship of India	4) Interserve (India) (1985)
5) Evangelical Presbyterian Church, Sikkim (1988)	6) RPS Theological College

XII. HÊNG RAM (FOREIGN)-AH HIAN MISSIONARY KAN INTÎR:

1) Cambodia (Pastor 1 leh Evangelist 2)	2) Bolivia (Doctor 1 leh Evangelist 1)
---	--

XIII. SUM DINHMUN:

1) Ramthar rawngbâwl nâna hun hmasa lama sum hmuh dân chu hetiang hi a ni:

1932	-	₹	26
1942	-	₹	840
1952	-	₹	758
1962	-	₹	13,896
1972	-	₹	1,43,203
1982	-	₹	20,93,891
1992	-	₹	3,01,65,006
2002	-	₹	12,54,06,798

2) Tûn kum 16 chhûnga Ramthar rawngbâwl nâna budget-a sum dah zât leh hmuh zât chu hetiang hi a ni:

<i>Kum</i>	<i>Budget</i>	<i>Hmuh zât</i>	<i>Khumna/Phak lohna</i>
2008-'09	17,08,52,000	22,21,58,850	5,13,06,850 (+)
2009-'10	22,37,94,500	27,04,22,390	4,66,27,890 (+)
2010-'11	30,22,73,700	31,96,28,025	1,73,54,325 (+)
2011-'12	35,58,24,700	42,17,14,680	6,58,89,980 (+)
2012 - 13	40,89,69,000	51,10,61,465	10,20,92,465 (+)
2013 - '14	51,68,53,000	59,43,42,559	7,74,89,559 (+)
2014 - '15	60,96,49,000	66,55,25,556	5,58,76,556 (+)
2015 - '16	77,48,53,000	72,75,55,558	4,72,97,442 (-)

<i>Kum</i>	<i>Budget</i>	<i>Hmuh zât</i>	<i>Khumna/Phak lohna</i>
2016 - '17	81,55,18,000	80,11,77,360	1,43,40,640 (-)
2017 - '18	89,38,88,000	90,71,98,112	1,33,10,112 (+)
2018 - '19	1,03,65,44,000	1,19,18,12,139	15,52,68,139 (+)
2019- '20	1,25,95,95,000	1,45,24,23,649	19,28,28,649 (+)
2020 - '21	1,32,38,85,000	1,47,00,16,190	14,61,31,190 (+)
2021 - '22	1,39,79,67,000	1,51,72,01,369	11,92,34,369 (+)
2022 - '23	1,53,10,71,000	1,76,35,17,443	23,24,46,443 (+)
2023 - '24	1,68,66,48,000	1,88,68,50,015	20,02,02,015 (+)
2024 - '25	1,83,63,98,000		

XIV. MISSION FIELD HRANG HRANG CHANCHIN TAWI: SMB hian Mission Field 20 a enkawl mêk a ni. Hêng zînga pahnih - Masihi Sangati leh Cambodia-ah te hian SMB hna pui pathum zînga pakhat, Chanchin T̄ha hril (Evangelism)-ah kan insâwrbing deuh va; Kohhran phun leh Kohhran enkawl lamah hma kan la meuh lo. A bâk Field dangachte hian hêng - Chanchin T̄ha hril, Kohhran phun leh Kohhran enkawl te kalpui a ni.

1. HOME MISSION NORTH: Home Mission North-ah hian Chakma leh Bru te zîngah rawng kan bâwl ber a. Bru zîngah pawh hian ringlo hi a tlêm zâwk ni tawhin, an tam tawh vak lo. Kan rawngbâwlina hmunte hi Mamit *district* leh Kolasib *district* chhûngah a ni ber.

Chakma zîngah erawh chuan ringtu kan la nei tlêm êm êm a ni. Chakmate hi Buddhist sakhaw zuitu an ni hlawm a. An sakhaw hruaitute hian an mite Kristian an nih loh nân kawng hrang hrangin hma an la nasa hle a ni. Kristian nih chu hnam phatsanna anga zirtîr an nih avângin Chanchin T̄ha an hriat hnu pawhin an tân Kristian nih a harsa êm êm a ni. Chakma Kristiante hian harsatna khawtlângah elsenna leh endawngna an tâwk tlângpui a.

A tlângpuia kan thlir erawh chuan, Bru zînga kan rawngbâwlina hi a hlawhtling thawkhat viau niin a lang. Kan ringtharte zîngah awm t̄ha duh lo leh kawhmawh bâwl deuh an lo awm a nih pawhin mi nghet, kohhran ban rinawm leh Pathian tâna thahnemngai tak mi eng emaw zât an awm a ni. Tin, hêng harsatna hrang hrang phênah hian Pathian hnathawh ropui tak tak kan la hmu reng a ni. Chakma Convention leh Bru Convention kan neih t̄hinte hi kan rawngbâwlina hlâwk tak pakhat a la ni zêl a. Kan rawngbâwlinaah hian ringthar siam leh kohhran sawh ngheh hi kan hma lâkna ber a ni.

Mizoram chhûng ngeiah Lal Isua ringtu la ni lo an la tam hle, hetiangin: *mihring awm zât* 10,97,206; *Kristian* - 9,56,331 (87.16 %); *Buddhist* - 93,411 (8.51 %); *Hindu* - 30,136 (2.75 %); *Muslim* - 14,832 (1.35 %) *Sakhua bîk nei lo* - 1,026 (0.09 %); *Sakhaw dang* - 808 (0.07 %); *Jain* - 376 (0.03 %) leh *Sikh* - 286 (0.03 %) (*Chhiarpui 2011*).

HMN hi a hranpaa hotu hran (Field Secretary emaw Administrative Secretary emaw) nei lovin SMB Headquarters Office-in a enkawl a ni. [*Field hawn kum: 1949; Missionary zât: 198; Ringthar neih zât: 52 (Jan - July 2024)*].

2. HOME MISSION SOUTH: Home Mission North nêh hian kan rawngbâwlina a inang thui viau. HM South-ah hian Bru leh Chakma te bâkah Pâng leh Bâwm te zîngah rawng kan bâwl a; anniho erawh chu Kristian an ni zo thawkhat tawh a ni. Lawngtlai *district* leh Lunglei *district* chhûngah rawng kan bâwl a ni.

[*Field hawn kum: 1987; Administrative Secretary: Rev. H. Lallianzara; Headquarters: Lunglei; Missionary zât: 257; Ringthar neih zât: 26 (Jan - July 2024)*].

3. CACHAR TLÂNGRAM: Kum 2016 aţangin Cachar Tlângram hi Barak Area-ah rin luh a ni a; amaherawh chu, kum 2023 aţangin Field hrang angin a awm leh ta a ni. Zohnahthlâk hnam hrang hrang - Chorei, Hrangkhol, Ranglong, Saihriam, Sakechep, Ţhiak, etc te bâkah Kewa leh Reang (Bru) te zîngah rawng kan bawl a ni. An chhehvêla hnam, a bîkin Bengali-te hi anni aia hnam changkâng leh fîng zâwk an ni a; an zia leh nunphung pawh an la nasa hle. Ran hmanga inthâwi Ţhîn an la ni a; tûnah hian puithiam/bâwlpû (*ochai*) an tlêm tawh avângin khaw eng emaw zâtin puithiam awm chhun te hi an inţawm a ni. An sakhua hian pi leh pu sakhua (*primal religion*) a pâwl viau nâin tûnah chuan Hindu-ah an inçhâl a ni. Zir chianna tak awm lo mah sela, zohnahthlâk zaa 50 - 60 vêl hi chu Kristian an ni tawhin a rinawm. Rupini leh Reang zîngah erawh Kristian an la tam lo thung. Kristian dodâl tâwk awm mah sela, Ţhalaite zîngah Kristian nih hreh lo an pung zêl niin a lang. Kan ringthar tam ber pawh naupang leh Ţhalai an ni. Chanchin Ţha beihpui thlâk chhunzawm zêlna atâna beiseiawm tak a ni.

CTR hian a hranpaa hotu hran (Field Secretary emaw Administrative Secretary emaw) nei lovin SMB Headquarters Office-in a enkawl a ni. [*Field hawn kum: 2023; Missionary zât: 132; Ringthar neih zât: 14 (Jan - July 2024)*].

4. MASIHI SANGATI: Synod Mission Board aiawhin Masihi Sangati hian Mizoram chhûnga hnam dangte zînga rawngbâwlna hna a thawk a ni. MSK hnuaiiah hian Director 1, Minister 10 leh Evangelist 203 an bung mêkin, Fellowship 256 awm anga chhinchhiah a ni. Area 23 niin, Pastor Bial 10 (Hnam bîk - Kâwl Pastor Bial pakhat telin)-a Ţhen a ni a. Evangelist-te hi Bial (Pastor Bial pangngai) leh Kohhran malah dah an ni a. Fellowship/Bial/Area te kaihhruaina hnuaiiah an thawk ber. Team pali - Synod Gospel Team pahnih, Gorkha Gospel Team leh Vai changkang Team te awmin rawngbâwlna kawngah hma lâkna hrang hret neiin an thawk a ni.

Kum 1965 khân Nepali Kristianten anmahni pualin inçhâwmna an nei Ţan tawh a. Synod hriatpuaia Nepali Christian Fellowship tih hming pua an din chu ni 13 December, 1974 a ni thung. Kum 1977 aţangin an zînga rawngbâwl tûr Evangelist rawih Ţan a ni. Non-Mizo (Vai) Biak In hmasa ber chu Khanpui khuah kum 1982-ah khân sak a ni. Masihi Sangati rawngbâwlna Pathianin mal a sâwm nasa hle. Ni 29 May, 2008-a Ramthar BEC (486:21) chuan ‘Non-Mizo’ tih Ţhin chu ‘Masihi Sangati’ tiin a thlâk ta a.

Kum 2010 aţangin **Vai Changkâng** zînga rawngbâwlna pawh kalpui zêl a ni a. Evangelist-te hian Mizoram chhûnga hnam dang, hna sang thawka rawn awmte leh rawn zinte lo kawmin a theih ang angin Pathian thu an hrilh Ţhîn. **Synod Ramthar Committee 163/25-26.10.2018 Resl. No. 30** chuan **Vai Changkâng Team** tih chu **Synod Dialogue Team** tiin a hming a thlâk a. Vawiin thleng hian chu hming chu a la pu ta zêl a ni.

Ni 22 January, 2015-ah khân **Synod Mission Choir** chu din niin, member 23 (Director leh Conductor telin) an awm a. Ram chhûng leh pawna ramthar rawngbâwlna tichak tûra din an nih angin Ţawng chi hrang hranga Pathian Fakna hla sain hmun hrang hrangah an feh chhuak Ţhîn. Pathianin a hmang hle.

Tûnah hian rawngbâwlna kawnga Vai Kristian Mistîri-te Ţangkai zâwka hman an nih theihna tûrin hma a la mêk a; tin, kawthlêra rawngbâwlna neih kawngah hma lâk a tum bawk. MS rawngbâwlnaah hian a nâwlpuaia harsatna langsâr si lo, mahse Chanchin Ţha hre lote hrilhna kawnga mi tibuai thei ve tak a awm reng. Mistîri awm rei tawh, tlângnêl si, Krista zui duh si lote hian thunun an lo ngah tawh a. *Campaign* neih te hian an hnuaiia thawkte chu an kaltîr ve mai a; mahse, baptisma chang ngam an awm mang lo Ţhîn, an mitmei ringawtte hian an thunun thei hle. Mosolman Mistîri-te leh an puithiamte Ţang khâwm hian Mizo Ţhenkhat an hneh fo. Hnam dang kristiante an hêk thiam hle. Kristian an nih avânga hêk ni reng siin, an hna leh awm dânah an hêk

daih a. Mizo Kristian, hna neitute khân an lo âwih a, an thu hmang khân Kristian an nih avânga tuarna kan lo thlentîr ta thîn a ni. Kristian an nih hian hna te, chênna te an hloh fo thîn, a then chuan thawn hawte pawh an tâwk bawk. Pathianin ramthar Field-a kal thei lote tan ramthar Field minrawn chhawpsak a. An rama kan biak hleih theih loh tûrte hnênah keimahni kawtkaiyah an hnênah Chanchin Thā kan lo hril thei a ni. **[Director: Rev. R. Lalrinsanga; Headquarters: Aizawl; Ringthar neih zât: 2,788 (Jan - July 2024)].**

5. ARUNACHAL & ASSAM MISSION FIELD EAST: Kan rawngbâwlina hi Changlang District (Arunachal) leh Tinsukia District (Assam)-ah a ni ber a, hêng hmunte hi kan bawh hneh thawkhat viau tawh a. Chanchin Thā hrila han feh chhuahna tûr a vâng hial tawh. Kum 2018 aţang khân Lohit District, Anjaw District, Namsai District, Tirap District leh Lower Dibang Valley District-ah te hma kan la ţan a. Kan rawngbâwlina hi a tam ber chu Tangsa hnam an ni (*Tangsa chhûngah hnam pêng hrang hrang, ţawng hrang hrang hmang eng emaw zât an la awm a. Thênkhat chu inzûl deuh an awm laiin inhre pawh hauh lote pawh an awm bawk*). Nepali zîngah pawh rawng kan bawl bawk. Hei bâkah hian tûn hnaiah Nocte-ho zîngah rawngbâwlina kan tharthawh a; an zînga tha pui thawha rawngbâwl a phûrawm. Thawng hrang hrang a tam a; Hindi leh Assamese hi thawng tuallêng ber a nih avângin rawngbâwlina atân pawh hman lâr tak a ni. Kan rawngbâwlina su tûr leh do lêt tûr hian sakhaw thar ‘Rangfrah’ an tih chu an din a. Rangfrah sakhuaah hian Kristiante tih dân leh Hindu tih dân an la kawp a. Chu chu an hnam sakhuaah an ngai a; Kristian sakhua chu ram dang sakhua niin an inzirtîr a. Hei hian eng emaw chen kan rawngbâwlina a tiţuanawp a ni. Kohhranhoten tha thara kan beih a ţul hle a ni. Kan Kohhran din sate erawh an puitling thawkhat hle. **[Field hawn kum: 1991; Field Secretary: Rev. R. Vanlalruata; Headquarters: Kharsang; Missionary zât: 83; Ringthar neih zât: 49 (Jan - July 2024)].**

6. ARUNACHAL & ASSAM MISSION FIELD NORTH: Kan Field hian District pali: Siang, East Siang, West Siang leh Upper Subansari Dist bâkah Assam-ah Demaji Dist te kan luah tel bawk. Pastor Bial paruk - Aalo, Boleng, Daporijo, Tato, Pasighat leh Jonai Pastor Bial-ah te then a ni a. Arunachal North Field-ah hian hnam hrang hrang - Galo, Boro, Mising, Adi, Tagin leh Bokhar zîngahte rawngbâwlina kalpui a ni. School pakhat - Jubilee Model High School, Jonai (Assam)-ah kan nei a. Kohhran Hmeichhia leh Thalai ten Bial leh Kohhran/Branch-in, anmahni thawh chhuahin Chanchin Thā hrilin an feh chhuak thîn. Kohhran eng emaw zâtin anmahni thawh chhuah liau liauvin Biak In an sa tawh a ni. **[Field hawn kum: 2016; Field Secretary: Rev. Lalthanhawla; Headquarters: Aalo (Along); Missionary zât: 64; Ringthar neih zât: 40 (Jan - July 2024)].**

7. ARUNACHAL & ASSAM MISSION FIELD WEST: Pathian zârah kan Field rawngbâwlina hma a sâwn zêl a, a huam chin pawh a lo zau ta hle a. Kum 2016 khân kan Field aţangin Arunachal & Assam Mission Field North pawh a lo piang ta hial a ni. Adi hnam leh Galo hnam zîngah rawng kan bawl ber a. Hindi hi an thawng tuallêng a nih avângin thawktute pawhin rawngbâwlina atân kan hmang nasa hle. Zirna sikul te, tiţdam rawngbâwlina te leh puan ţhui zirna te hi Chanchin Thā hril nân kan hmang ţangkai hle. Hêng hmuna kan zirlai chhuak tate hi a tlângpuiin an awmna Kohhranah mi ţangkai tak tak an ni hlawm a, a lâwmawm hle a ni. Kan ringthar Kohhranten anmahni inveina an nei chho zêl a, Kohhran eng emaw zât chu anmahniin Chanchin Thā hrilin an feh chhuak thîn a ni. Pastor Bial tin hian a khât tâwkin Chanchin Thā beihpui an thlâk thîn a, hei hi kan ringthar neihna hnâr ber pakhat a ni. Arunachal Pradesh hi Mizo Kohhrante pawhin tûn hma aţanga kan vei êm êm thîn kha a ni a. Thilpêk, thâ leh zung leh thawngtaina hmangin theih tâwpin kan bei a, tûn thlengin kan la bei zêl a ni. Tûnah hian Kristian sakhaw zuitu hi an thahnem ber tawh a, zaa 30.26 lai an tling ta! Hindu-in dawtin, anni hi 29.04% an ni thung. Thawh tûr erawh a la tam hle a ni. **[Field hawn kum: 2001; Field Secretary: Rev.**

Malsawmtluanga; Headquarters: Itanagar; Missionary zât: 77; Ringthar neih zât: 39 (Jan - July 2024)].

8. ASSAM: Hawn a nih hmaa zir chianna zûlzuiin khawpuiah rawngbâwlna ÷an a ni a; chutih rualin, thingtlâng lamah pawh a theih ang angin kalpui a ni. Chi inthliarna a nasat avângin hnam hniamhote ringthara kan siam hmasak hian mi dangin tel ve an châk loh phah ÷hîn niin a lang a. Chuvângin, kan Field-ah hian a tîrah hnam hnuaihnnung zînga rawngbâwl lovin, mi vantlâng zîngah rusum kan thlâk hmasa a. Pathianin kan ruahmanna leh kan hnathawhte mal a sâwm nasa êm êm a ni. Assamese, Nepali, Santal leh Bodo hnam zîngah rawng kan bâwl ber. Baptisma chang nambar kan pung chak lo viau nân mi nghet, kohhran ban tûr, Pathian Ram thilpêk pianpui nghâl mi Pathianin min pe leh hlauh ÷hîn. Kan ringthar neihte hian mi dang veina an nei nasa hle. Hêngte hian Kohhran hmahlir a ti-êng hlein kan hria. Ni tin kawm tûr zawnga chhuah te, Gospel Tract sem te, hmun remchânga Pathian Thu sawi tûra feh chhuah te hi kan rawngbâwl dân tlângpui a ni a. Sikul pakhat kan nei a, *result* ÷a tak an neih ÷hîn bâkah Chanchin ÷ha hrilna remchâng leh ÷angkai takah kan hman a ni. Tihdam rawngbâwlna pawh miten an hlut a, rawngbâwl nân a ÷angkai hle. Kan Field hi ni 30 July, 2022 khân Church Court-ah hlân kai kan ni. Assam ram pum puiah hian mi 3,12,05,576 awmin, mi 11,65,867 chu Kristian an ni a; chu chu 3.74 % a ni. Guwahati khawpui chhûngah hian Kristian 8,913 niin, mihring awm zât a÷angin 0.93 % chauh an la ni. Assam Assembly chuan *The Assam Healing (Prevention of Evil) Practices Bill, 2024* chu ni 26.2.2024 khân a *pass* a. Hei hi Kristianten tihdam rawngbâwlna an kalpui ÷hîn chu mitdawivaih hmanga mipui bumna (*non scientific magical healing practices*) leh Kristiana siam tumna nia a ngaih vâng a ni. (*Chhiarpui 2011*). [*Field hawn kum: 2008; Field Secretary: Rev. Billy Lalrinchhana; Headquarters: Guwahati; Missionary zât: 81; Ringthar neih zât: 39 (Jan - July 2024)*].

9. BARAK AREA: Barak Area-ah hian Bengali leh Meitei zîngah rawng kan bâwl ber a. Mizoram ÷henawm maia awm a ni a; Mizote nêh pawh kan inpawlhsawpin, boruak mawi lo leh duhawm lêm lo te pawh kan nei tawn zauh zauh ÷hîn. Heti chung hian Pathian malsâwmna azârah rawngbâwlna kawng a la inhawng zau va; ringthar an awm reng a, Kohhrante pawh an ÷hang hle a ni. Sikul rawngbâwlna te, Damdawi lam rawngbâwlna te leh Craft lam rawngbâwlna te a ÷angkawp ÷a hle a ni. Indirect lamah hian School, Medical, Craft leh Bible Râl chhân te hman a ni a. ‘Indirect’ tia sawi a ni chung hian hêngte hi tlang (Direct) taka Lal Isua chanchin puan chhuahna atâna hman an ni ÷hîn. Kan Sikul leh Damdawi lam rawngbâwlnate hi ringtu leh ringlote tân pawha chhawrnahawm tak an ni. Craft lama kan rawngbâwlna hi a ram mi ringtu harsate ei leh bar zawna kawnga chhawmdawl nân te leh ringlote ringtua siam nân a pawimawh hle. Bible Râl chhân hi rawngbâwlna biru, hlâwk angreng tak si a ni. Barak Area-ah hian BJP an sawrkâr tâk a÷ang hian boruak a danglam chho deuh va, tûn hma anga ualau taka Chanchin ÷ha hril kha a remchâng ta meuh lo a ni. Kum 2023 May thlaa Manipur-a chî leh chî inkâra buaina a chhuah avângin Manipur State chhûng, Jiribam Pastor Biala Mizo Missionary (Meitei zînga thawk)-te chu hmun dangah sawn an ni. Hemi avâng hian Meitei Kohhran pali lai chu a ÷îlñiak ta ngawt mai a ni. Eng pawh ni se, Pathian zârah Barak Area-ah hian rawngbâwl a phurawm a, hei aia nasa hian Pathian hnathawh kan hmuh zêl a beiseiawm hle a ni. Hmabâk erawh ala tam hle - Cachar District-ah hian Kristian chu 2.17%; Karimganj District-ah 0.98%; Lakhimpur District-ah 4.43% leh Hailakandi District-ah 1.29% te a ni. (*2011 Chhiarpui*). [*Field hawn kum: 1975; Administrative Secretary: Rev. Lalrintluanga Ngente; Headquarters: Silchar; Missionary zât: 98; Ringthar neih zât: 39 (Jan - July 2024)*].

10. KARBI ANGLONG MISSION FIELD: Karbi Anglong District-ah hian mihring 9,56,313 awmin Kristian chu 1,57,789 (16.50%) an ni. Hel (ramhnuai mi) an tamna hmun a ni a, pawî khawihna chi hrang hrang a thleng fo ÷hîn. Ni 29 March, 2015-ah khân Synod-ah hlân kai a lo ni tawh a, ramthar lam rawngbâwlna erawh la kalpui zêl a ni. Karbi mite hi an hnam sakhuaah

an nghet viau mai a; an sakhaw serh leh sâng an ngai pawimawh hle. Tùn thlengin inthâwi uar tak hnam an la ni. Assam-ah hian BJP-in ro an rêl a. Karbi Anglong District inthlan (2022)-ah khân BJP-in seat awm zawng zawng (26) an la fai vek a ni. Hetih lai hian, wawiin thlengin harsatna min siam khawpin dodâlna kan la tâwk rih lo va, zalên takin kan *prosar* thei reng a ni. Amaherawhchu, Karbi hnam sakhaw pakhat '*Honghari*' avâng leh, khaw mal *committee* te remtih lohna awm leh zauh ðhin avâng erawh chuan kan ringtharten khua aţanga hnawhchhuah an la tâwk zauh zauh reng a, a pawî khawp mai. Hei pawh hi a ziaawm chho niin kan hria. Karbi hnam hi chhûngkhat laina inrâwn tlâng dial diala thu tlûkna siam ðhin, thu tlûkna siam mai mai lo leh, an siam tawh vêk vek chuan an thu tlûknaa nghet taka ding zui ðhin hnam an ni. Sakhaw danga (Kristiana) inleh hi an tân thil harsa tak a ni. Chuvâng chuan ringthar neih hi thil awl-ai a ni lo hle; Kohhranhote tha pui thawha nasa taka ðawngtaipui an ngai hle. Sikul, puan ðhùi zirna leh tihdam rawngbâwlina te hi *Indirect Evangelism* lama kan hmanraw ðangkai tak a ni a. Hmun dang ang bawkin *Direct Evangelism* lamah pawh theih tâwpa hma lâk mêk zêl a ni. Thil lâwmawm tak erawh chu - ringthar neih tam a harsat viau laiin Kohhranhote hian anmahni hnampui veina an nei lian ve tial tial a ni. [*Field hawn kum: 1989; Field Secretary: Rev. R. Lalţhapuia; Headquarters: Diphu; Missionary zât: 92; Ringthar neih zât: 119 (Jan - July 2024)*].

11. TRIPURA MISSION FIELD: Kan rawngbâwlina hi tlâng mi (Tribal) zîngah a ni deuh ber. Chûng mite chu 'Kokborok' (Borok ðawng hmangho) leh 'Halam' (Zohnahthlâkho) tiin an ðhen leh a. 'Kokborok' chhûngah hian hnam hrang hrang an awm leh a, an ðawng pawh ðhùi tak a inzûl hlawm. Chutiang bawkin 'Halâm' chhûngah pawh hnam hrang hrang awmin an ðawng pawh inhnaih tak tak a ni hlawm. Kum 2020 aţangin Bengali Project ðan a ni a. Bengali/Meitei Pastor pakhat hovin Bengali leh Meitei zîngah tha pui thawha rawngbâwlina kalpui a ni a. *Direct* leh *Indirect* rawngbâwlina te a inpui tawn ðhain Pathianin mal a sâwm nasa hle a, ringthar leh Kohhran pawh a pung chak hle. Thawh tûr erawh a la tam hle - Tripura-ah Kristian chu 4.35% a ni. Ni 24 March, 2019 khân Tripura Mission Field chu Synod puitlingah hlân kai a lo ni ta a. Heti chung hian Mission Field rawngbâwlina hi la kalpui zêl a ni. (*2011 Chhiarpui*). [*Field hawn kum: 1986; Field Secretary: Rev. H. Lalrinsnga; Headquarters: Agartala; Missionary zât: 117; Ringthar neih zât: 745 (Jan - July 2024)*].

12. CALCUTTA MISSION FIELD: Kolkata khawpui chhûng leh a chhehvêl District 12-ah rawngbâwlina kalpui a ni a, Bengali ðawng hmangte zîngah rawng kan bâwl ber a, Hindi hmangte zîngah pawh hmun ðhenkhat chuan rawng kan bâwl bawk. Puan ðhùi zirna te, *Non-Formal School* te leh Damdawi lam rawngbâwlina te kan hmang ðangkai hle. Sâp ðawng zirna leh *Adult Education* (puitling tâna ziak leh chhiar zirna) te pawh kan kalpui bawk ðhin. *Direct Evangelism* lamah hêng - *Home visit te, Bible Tract sem te, Seeker's Rally te, Campaign/Crusade* te leh Kristian *Film* chhuah te kan kalpui bawk. Pathian hnathawh ropui tak tak kan hmu ðhin. Lalpan ringtharte min la pe ve zêl chauh ni lovin, kan ringtharte zîngah thiamna leh khawsakna lamah pawha mi panggai tak takte pawh an tel ve ðhin a ni. *Seekers* kan tih mai, Chanchin ðha rawn ngaihvena, kan missionary-ten an kawm fâl mêk hi mi eng emaw zât kan nei a. Ni 9 April, 2022 khân Church Court-a hlân kai kan ni ve ta. West Bengal-ah hian mihring 9,12,76,115 lai an awm a, Kristian erawh chu zaa 0.72 chauh an la awm a ni. [*Field hawn kum: 1988; Field Secretary: Rev. Vanlalawmpuia; Headquarters: Kolkata; Missionary zât: 62; Ringthar neih zât: 659 (Jan - July 2024)*].

13. DELHI MISSION FIELD: *Home visit, Film show, Non-Formal Education, Craft Center, Medical Center, Varsik Sammelan* (Ringthar Inkhâwmpui), *Leadership Training* leh *Gospel Tract sem* te hi kan rawngbâwlina ki pui deuh deuh an ni. Delhi Mission Field-ah hian Missionary 24 chauh kan neih laiin a huam chhûng erawh chu India hmar lam State lian pui pui - *Punjab, Haryana, Himachal Pradesh, Uttarakhand* leh *Delhi* khawpui te hi a ni. A tlângpui ðhain North Indian-ho hi hnam induh, India ram neitua inngai, Hindu kulmûk, sakhuaa nghet êm êm an ni a.

Tin, Hindu hmun thianghlim, an lui thianghlim leh an khaw thianghlim tamna hmun a nih avângin an sakhua-ah hian an nghet hle. Hêng lai hmuna rawngbâwl tûr chuan tîsa lam thilah pawh, khawsak dân leh nungchangah pawh an hmuhsit loh tûra awm a tûl hle. Khawpui liana chêng leh mi changkângte pawh dâwr pha tûra kan missionary-te kawng hrang hranga kan thuan a pawimawh hle. India hmar lama rawngbâwl zêl tûr hian behchhan tûr – *School, Craft Center, Tution Center* leh thil dang hmanrua tûr kan zawn thiam a tûl hle. Thingtlâng lamah pheii chuan kan hmêl te a lo danglam deuh nê, tute nge kan niha, eng nge kan tih dawn tih hi an ngaihven êm êm a, eng lai pawha hnung lama mit nei anga khawsak a tûl hle. India hmar lamah hian Chanchin Ṭha hril hi awlsam lo mah se, Kohhranhoten min ṭawngṭaipui ṭhin avângin vawiin thlengin hma lam kan pan ve zêl a; kan beisei lohna hmun tam tak aṭangin Chanchin Ṭha ringa, Isua zui tûra inpe thar an awm zêl. Rawngbâwl harsa viauvin lang ṭhîn mah se Pathianin mal min sâwm nasa êm êm a, ringtharte min pein ringthar Kohhrante pawhin hma an sâwn ve hle a ni. Mihring bitna hmunte a ni hlawm a, nasa taka ṭan lâk a tûl hle. Kristian dinhmun hetiang hi a ni: Delhi - 0.87%; Chandigarh - 0.82%, Haryana - 0.19%; Punjab - 1.25%; Uttarakhand - 0.37% leh Himachal Pradesh - 0.18% (*2011 Chhiarpui*). [*Field hawn kum: 1988; Field Secretary: Rev. Laltharzuala; Headquarters: Delhi; Missionary zât: 28; Ringthar neih zât: 116 (Jan - July 2024)*].

14. JHARKHAND MISSION FIELD: Kan Field-ah hian hnam hlâwm lian ber (Santal) zîngah rawng kan bâwl a; Ranchi lamah erawh chuan Munda hnam zîngah rawng kan bâwl tel bawk. A tlângpuiin, ṭawng khat (anmahni ṭawng - Santali)-a rawng kan bâwl theih avâng hian kan rawngbâwlna pawhin hma a sâwn phah hle niin kan hria. Ṭhalai lam chuan Hindi pawh an thiam tlângpui thung a, rawngbâwl nân Hindi pawh kan hmang bawk a ni. JMF hi Bihar leh W. Bengal inkâra awm a ni a. *Non-Formal Education, Adult Education* leh puan ṭhùi zirna kan kalpui mêk a, sikul pakhat kan nei bawk. Kum 2017 August thlaa Jharkhand State Assembly-in Sakhaw danga inleh khapna Dân a *pass* aṭang khân rawngbâwl a harsa sâwt hle. Chanchin Ṭha hril (*Direct Evangelism - Bible Tract sem, crusade, film show, etc*) phal lohna khua a tam ta a, zalên taka rawngbâwl leh ringthar Baptisma chantîr te a theih ta lo va, rawngbâwl dân pawh thiam a ngai hle. Ringlo an la tam a; tin, Santal unaute hi zu-in a tibuai nasa hle. Ram nei ṭha mah se, ruahtui a ṭhat tâwk loh avângin an leilet a hlâwk zo lo va, hmun dangah hnathawkin an chhuak nasa hle. Hnathawh tûr a tam a, kan thawk seng lo a ni ber mai. Kohhranhoten min ṭawngṭaipui ṭhin avângin kan lâwm a, min ṭawngṭaipui zêl tûrin kan sâwm a che u. Khaw ṭhenkhatah kan ringtharte chuan kawng hrang hrangin ringlote hnên aṭangin harsatna an tâwk zauh zauh. Mahse, min dodâla min dotu ṭhenkhat, Lal Isua ringtu rawn nia, baptisma chang leh ta hial te pawh an awm a ni. Kan Field hi ni 11 April, 2022 khân *Church Court*-ah hlân kai kan ni. Kan rawngbâwlna hi a la beitham a; distict 24-ah district 6-ah chauh kan la inzâr pharh a ni. Jharkhand-ah hian mi 14,18,608 (4.30 %) chu Kristian an ni a, mihring awm zât 3,29,88,134 a ni (*Chhiarpui 2011*). [*Field hawn kum: 2008; Field Secretary: Rev. Dr. C. Lalthanzara; Headquarters: Dumka; Missionary zât: 52; Ringthar neih zât: 323 (Jan - July 2024)*].

15. LUCKNOW MISSION FIELD: Kan rawngbâwlna hmun tam ber hi thingtlâng a ni a, khawpuih hian Fellowship kan la nei lo. *Direct Evangelism* leh *Indirect Evangelism* hmanga hma lâk a ni a, a ṭangkawp ṭha hle. *Crusade* hi ringthar kan neihna hnarpu ber a ni ṭhîn a; amaherawh chu, tûn hnaiah hian *Direct Evangelism* hi kalpui a harsa ta hle. Damdawi lam leh *Non-Formal Education* lam rawngbâwlna pawh miten an ngaihlu a, a ṭangkai hle. Lucknow-a Mizo zirlaite hi rawngbâwlnaah an ṭangkai hle. Puan ṭhùi zirna hmunah pawh ni tin *Devotion* neihpui ṭhin an ni a, ringthar pawh kan nei ṭha ṭhîn hle. Puan ṭhùi zirna hi langsâr taka rawngbâwlna kalpui theih te zînga mi a ni ta. Tin, Fellowship tlêm te chauhvin Biak In an nei a; ringtute varanda leh thingbuk hnuai remchâng lai te hi kan inkhâwmna tam zâwk a la ni. Pathianin min awmpui avângin ringtharte kan nei ve deuh reng a ni. Lucknow hi India rama State lian ber Uttar Pradesh khawpui a ni a. BJP-in sawrkârna an chelhna hmun, Chief Minister-ah pawh Hindu Puithiam Yogi a ni a. BJP-ten sawrkârna an chelh tâk aṭang khân Hindu firfiak pâwl - Bajrang Dal, RSS

leh VHP te chu an huangtau sâwt hle. Mi thenkhatin min thlithlai ru reng a, min hêka, Jail-a min tântîrna tûr remchâng an zawng reng thung. Ualau taka baptisma chantîr a remchâng lo va; in chhûng, mi hmuh theih lohna tûr hmuna chantîr te a tûl thîn. Huaisen leh fimkhur taka rawngbâwl a ngai a, Kohhranhote tawngtaipuina kan mamawh tak zet a ni. Lucknow khawpui chhûngah hian Kristian 16,456 awmin; chu chu mihring awm zât aţanga tehin 0.58% a ni. Uttar Pradesh pum puiah hian Kristian chu zaa 0.17 chauh an la ni (2011 Chhiarpui). [Field hawn kum: 1999; Field Secretary: Rev. Dailamthanga; Headquarters: Lucknow; Missionary zât: 32; Ringthar neih zât: 46 (Jan - July 2024)].

16. ODISHA MISSION FIELD: Odisha Field hian *tribal* hnam chi khat ‘Kui’-ho zîngah rawng kan bâwl ber a. Kui hnam hi Odisha state-a *tribal* hnam hlâwm lian ber pâwl niin, nuai 20 chuang an awm âwm e. Kan rawngbâwl dân langsâr zual te chu- *personal evangelism, medical camp/free clinic, feh chhuah (outreach), campaign/crusade, sport ministry, flm show leh craft centre* te a ni a. Hêngte kal tlang hian ringthar seng khâwm hna leh ring tawhte sawh ngheh hna kan thawk reng a ni. Tin, kan field-in sikul pakhat Gilakuta khuaah kan nei a. Kan sikul hi 2022-ah Middle School-a *upgrade* a ni nghe nghe a, kan lâwm hle. A ram mi pakhat Pathian thu zir zo tawh kan nei a, a dang pahnihin an zir mêk bawk. Odisha hi sakhaw dang inleh phal lohna hman state a ni a. Langsâr taka rawngbâwl a remchân loh hun a awm fo. Dodâlna pawh kan tâwk leh zauh thîn. Chutih kârah Pathian hruaina mak tak kan chang reng thung a. Lalpan kan hma a hruai zêl e. [Field hawn kum: 2016; Field Secretary: Rev. Lalrintluanga; Headquarters: Bhubaneshwar; Missionary zât: 35; Ringthar neih zât: 40 (Jan - July 2024)].

17. PATNA MISSION FIELD: Bihar-ah hian mihring 10,40,99,452 awmin, Kristian chu zaa 1.24 chauh an la awm a. Patna khawpui chhûngah hian Kristian chu 0.51% chauh an la awm. Hindi hmangete zîngah rawng kan bâwl ber a. Thawktute hi Group hrang hrangah insiamin hmun hrang hrangah rawngbâwlin an feh chhuak thîn a, a hlâwk hle. Damdawi lam rawngbâwlina pawhin ngaihhlut a hlawh hle a, Chanchin Tha hrilna atân a tângkai hle. Hindu sakhaw âtchilh tak takte tamna hmun a nih avângin ringtharte leh thawktute pawhin harsatna eng eng emaw kan tâwk zauh zauh thîn. Kan ringtharte hi hnam hnuaihnuung zâwkte an ni a, an zuam hle thîn. *Direct Evangelism - Oureach, Prachar, Personal Evangelism, leh Seeker’s Meet leh Indirect Evangelism - Medical, Non- Formal School & Craft Centre* hmangetin rawng kan bâwl ve ve. *Indirect Evangelism* hi India ram dinhmun mêkah pheh hi chuan a tûl zual ta hle mai. Zirlai ni bawk si lo, sorkâr hnathawk ni bawk si lova vai rama kan awm ve ringawt hi an hre thiam mang lo; min ringhlel deuh ngêl mai zêl. Pathian humhimna leh awmpuina avângin harsatna kârah ringthar kan nei ve deuh reng a ni. Tih tûr leh hmabâk a la tam êm êm a, Kohhranhote tha thlah lova kan beih a tûl tak zet a ni. [Field hawn kum: 1999; Field Secretary: Rev. K. Vanlalhriata; Headquarters: Patna; Missionary zât: 48; Ringthar neih zât: 125 (Jan - July 2024)].

18. SILIGURI MISSION FIELD: Siliguri Mission Field hi North Bengal Area lama kan Mission hma lâkna hmun pawimawh tak pakhat a ni. Assam, Sikkim, Bhutan, Nepal leh Bihar State te kârcheha awm a ni. Kan rawngbâwlina hmunah hian tawng hrang hrang - Hindi, Bengali, Nepali, Sadri, Rajbongsi, Djongkha tawng hmangete an awm a. Sakhua lamah chuan Hindu, Buddhist, Muslim leh Nepali hnam sakhua zuitu te an ni hlawm. Tûnah hian hmun thenkhatan chuan kan member-ten Pathian an biakna hmun tûr Biak In kan nei tawh a. Hmun dangah hi chuan a remchân dân angin thawktute inah emaw, member in remchâng dangah emaw te kan inkhâwmpui thîn. Evangelist-te hian rim takin Chanchin Tha hril hna an thawk reng a. Medical rawngbâwlina hi Nurse-ten anmahni Centre theuhva an thawh bâkah hmun hrang hrangah *Free Clinic* an kalpui bawk a. Puan thui (Craft) zirna hmunah an pualin *Gospel Week* kan neihpui bawk thîn. Tin, *Non-Formal Education* leh *Adult Education* kan kalpui mêk bawk. Sikkim lamah Evangelical Presbyterian Church of Sikkim (EPCS) te nêh thawk hovin Evangelist eng emaw zât kan ruai mêk a. Darjeeling tlang lamah hma thar lain thawktu kan indah ta bawk a. Bhutan ram

lama Chanchin Tha hril hna nasa zâwka thawk tûrin tan kan la chho mêk zêl a; Bhutan-ah hian Native Worker ruaiin hma kan la a, member pawh 500 - 600 vêl kan nei ve tawh a ni. Kan rawngbâwlina hmun tam ber hi West Bengal state chhông a ni a. Trinamul Congress Sorkârna hmun a nih avângin Chanchin Tha hril kawngah harsatna kan nei lutuk lo va, kan zalên rih hle. Kan hma lâkna lian tak pakhat, Bhutan ram erawh Kristianna duh lo ram an ni a. Zalên taka Chanchin Tha hril theih a la ni lo. Heti chung hian theih tâwp chhuahin kan bei chho mêk zêl a, Kohhranho tawngtâina avângin Lalpan a ram a zauh zêl ang tih kan beisei a ni. Kohhrante an thangin hma an sâwn hle a ni. Hmabâk kan la ngah hle. [*Field hawn kum: 1988; Field Secretary: Rev. Lalrinfela Pachuau; Headquarters: Siliguri; Missionary zât: 42; Ringthar neih zât: 57 (Jan - July 2024)*].

19. SILIGURI B (NEPAL) MISSION FIELD: Nepal ram hi khawvêla Kohhran leh Mission pâwl hrang hrangten an vei rawna, hna an thawh mup mupna hmun a ni a. Chông zingah chuan keini pawhin Chanchin Tha puan darh hna kan thawk ve mêk a ni a. Kohhranhoten theih tâwp chhuaha kan rawngbâwlina hi Pathianin mal a sâwm mawlh mawlh a ni. Pâwl dangte aia kan danglamna hi miten an hrechiang tial tial a, kan zinga lo tel duh an pung zêl a ni. Puan thui zirna te leh Sâp tawng zirna te pawh tângkai takin Chanchin Tha hril nân kan la hmang zêl a. Tihdam rawngbâwlina erawh chu Nepal sawrkârin kan Nurse-te *registration* a *cancel*-sak avângin kan kalpui thei lo va; chuvângin, Nurse-te pawh Evangelist angin an thawk a ni. Thawktute hi Group-ah inthenin thla tin vawi hnih vawi thum te kan feh chhuak thîn. Hindu tamna ram a ni a, Kristian duh lohna hi chak takin a kal reng a ni. Harsatna lian tham tâwk lo mah ila, tûn hma angin langsâr taka rawngbâwlina kalpui a harsa ta hle. Hetih lai hian, Lalpan ringthar min pe zêl a; tin, Kohhranhote hmasâwnna hian thinslung a tihlim êm êm baw. Thawktuten Chanchin Tha kan hril bâkah hian Kohhran mal te leh Bial huap tein rawngbâwlin an feh chhuak thîn. Thalai leh Kohhran Hmeichhia te pawh an bâng lo, Chanchin Tha hrilin an chhuak fo thîn. Anmahni chipuite veina kawngah an chhuanawm hle a ni. Nepal-ah hian Kristian hi zaa 1.42 an awm (*2011 Chhiarpui*). [*Field hawn kum: 2000; Field Secretary: Rev. Vanlalhruaia; Headquarters: Kathmandu; Missionary zât: 31; Ringthar neih zât: 115 (Jan - July 2024)*].

20. CAMBODIA: Cambodia ramah kum 2010 atangin thawktu kan intir tan a, tûnah thawktu pathum an bung mêk. Thingtlâng atanga College kal tûra khawpui rawn pante tan chenna tûr In (Dormitory) an lo buatsaih a. Chanchin Tha hrilhna remchâng tak a ni. SMB Dormitory behchhanin House Church din a ni a. Pathianni tlaiah an inkhâwm thîn. Dormitory-a awm zirlaite mai ni lovin thenawm hnaite pawhin inkhâwm an rawn zawm ve tan a, member pawh pun zêl a beiseiawm hle. SMB hian Cambodia-a Pastor leh Kohhran mite pualin Leadership Training, Retreat leh Seminar te buatsaih thîn a ni. School of Discipleship (SOD), Phnom Penh, hi MOU ziakin SMB nêan an thawk ho mêk baw. SOD hi kum hnih zir a ni a, batch khatah mi 15 vêl admit an ni thîn. He School-ah hian kan missionary-te hi faculty-ah an tel. Cambodia rama Kohhran eng emaw zâtin Mizo Kohhrante anga mahni kea ding ve tûrin hma an la tan a, Buhfaitham rawngbâwlina kalpui ve tan pawh an awm ta mêk a, a lâwmawm hle. [*Mihring 17,123,000-ah, Kristian 5,95,880 (3.48 %) vêl an ni a. A tam ber hi Budhhist an ni - Joshua Project*]

XV. SYNOD-A DINTIR TAWHTE CHANCHIN TLÂNGPUI:

1. Manipur: Manipur Meitei zinga rawngbâwlina hi Tuihaphai Presbytery (Manipur Synod)-in kum 1962 vêl khân a lo tan tawh a. Vanbawng Kohhran leh Phuaibuang Kohhran Thalai ten kum 1963-ah Meitei zinga thawk tûrin Missionary an lo tîr lut baw. Hun lo kal zêlah Mizoram Synod nêan thawk dunin kum 1967 khân Manipur-ah Mizoram Presbyterian Kohhran chuan rawngbâwlina bul a tan ta a ni. Meitei Kristiante hian hma an sâwn chak viau a, kum 1991-ah Presbytery hawn a ni a; lehkhathiam an tam avângin Pastor pawh Field dang zawng aiin an chhuak chak zâwk a. Ni 21 April, 2013-ah PCI-in Administrative Unit a hawng a, ni 19 April,

2015 khân Provisional Synod-ah hlân kai niin, ni 30 April, 2017-ah Synod puitlingah hlângin ‘Meitei Presbyterian Singlup (MPS) Synod’ tih a lo ni ta a ni.

MPS Synod hian Ramthar (Mission & Evangelism) department te siamin, an theih ang angin Chanchin Tha hril hna hi an thawk chhunzawm a, a khât tâwkin ringtharte pawh an la nei ve zêl a ni. May 3, 2023-a Manipur-a chi leh chi inkâra buaina chhuak kal zêlah an Biak In leh Synod hmun pawimawh eng emaw zât tihchhiat a ni a. A theih ang angin mi mal inahte an inkhâwm zui hrâm hrâm a, tawngtaipui an ngai hle.

2. Karbi Anglong: Mizoram Synod tirhin Rev Rokhuma leh Upa K. Saibela te chuan kum 1968-ah Karbi Anglong rawngbâwlina an tan a; SMB-in hma a lâk tan tak erawh chu ni 13 July, 1989 a ni. Pathianin Karbi Anglong-a Karbi hnamte zînga kan rawngbâwlina mal a sâwm nasa hle. Evangelism leh Zirna (Education) bâkah *literature* lama kan hma lâkna pawh a hlawhtling thawkhat hle.

Karbi Anglong-ah vek hian Khasi Jaintia Presbyterian Synod (Mihngi) chuan Karbi mite zîngah hma lain rawng an bâwl bawk a. Member pawh sing chuang lai an ni tawh a. Anniho hi kum 2006 khân Khasi Synod atangin an lo inla hrang tawh a, an hming pawh ‘Presbyterian Church Karbi Anglong General Administrative Area’ (PCKAGAA) tih an ni a. Amaherawhchu, anmahni kea an la din theih loh avângin Assembly-in (direct-in) a enkawl a ni.

Keini lam hi member sang sarih chuang an lo awm tawh bawk a. Tichuan, chung Khasi Synod enkawl thin, kohhranhote nê Synod pakhat dah niin, Provisional Synod pawh ni hmasa lovin, ni 29 March, 2015 khân Synod puitlingah hlân kai an ni ta a ni. Karbi Anglong Presbyterian Church (KAPC) Synod tih an lo ni ta.

3. Tripura Synod: Tripura-ah hian New Zealand Baptist Mission-in rawngbâwlina an tan hma hle a. 1938-ah Tripura Baptist Church Union (TBCU) a lo ding tan a. TBCU nê hian NEICC-ah te kan thawh ho avângin an Field chhûnga Synod hminga rawngbâwla luh mai a remchâng lo deuh reng a. Chutih laiin mi mal thahnemngai leh para-church kal tlangin Presbyterian mi leh sa missionary eng emaw zât chu rawngbâwlin an awm ve reng bawk a. Hêng mite rawngbâwlina avâng hian ringtharte pawh an lo pung zêl a.

Kum 1976 khân Tripura Presbyterian Kohhran a lo ding ve ta hial a. Chuta tanga kum 10 a lo vei meuh chuan Synod hminga kutthlâk pawh a inthlahrunawm ta lo deuh bawk a, kum 1986-ah chuan official takin Mission rawngbâwlina chu hawngin Mizoram Synod-in a thawk tan ve ta a ni. Tûnah chuan Pastor Bial 16 awmin, Presbytery pawh pali a lo awm ta. Ni 2 April, 2017 khân Tripura Mission Field chu Tripura Provisional Synod-ah hlân a ni a; ni 24 March, 2019-ah Tripura Presbyterian Church (TPC) Synod tiin, Synod Puitlinga hawn a ni ta a ni.

XVI. HOTUTE:

S.No.	Field	AS/FS/Director	Mobile No
I. HOME MISSION			
1.	Home Mission North	*Rev. R. Lalhmingsanga	9534928171
2.	Home Mission South	Rev. H. Lallianzara	9862252172
3.	Cachar Tlangram	*Rev. R. Lalhmingsanga	9534928171
4.	Masihi Sangati	Rev. R. Lalrinsanga	8974236236
II. NORTH EAST REGION			
1.	Arunachal ‘E’	Rev. R. Vanlalruata	9436153209
2.	Arunachal ‘N’	Rev. Lalthanhawla	7005891654
3.	Arunachal ‘W’	Rev. Malsawmtluanga	8974956446
4.	Assam	Rev Billy Lalrinchhana	7304491108
5.	Barak Area	Rev. Lalrintluanga Ngente	7630077948

SMB RAWNGBÂWLNA CHANCHIN TLÂNGPUI 2024

6.	Karbi Anglong	Rev. R. Lalthapuaia	9004716673
7.	Tripura	Rev. H. Lalrinsanga	9436152378

III. CENTRAL REGION

1.	Calcutta	Rev. Vanlalawmpuaia	9436192698
2.	Delhi	Rev. Laltharzuala	9856215725
3.	Jharkhand	Rev. Dr. C. Lalthanzara	8420279457
4.	Lucknow	Rev. Dailamthanga	8787324957
5.	Odisha	Rev. Lalrintluanga	9612365970
6.	Patna	Rev. K. Vanlalhriata	9862123882
7.	Siliguri	Rev. Lalrinfela Pachuau	9436755927

IV. RAM PÂWN

1	Cambodia	Rev. Benjamin Lalrinmawia	+85510496463
2.	Nepal	Rev. Vanlalhruaia	+918729916430

V. PISAPUI LAMA HOTUTE

1	Rev. Dr. K. Lallawmzuala	Executive Secretary	9402551279
2	Rev. R. Lalhmingsanga	Secretary, SMB	9534928171
3	Upa Lalthahluna Ralte	Coordinator	9862570502

**Home Mission North & Cachar TLangram hian hotu hranpa nei lovin, Pisapuiin a enkawl a ni.*

XVII. THAWKTU CHÂWMNA: Mizoram Kohhrante hi Ramthar rawngbâwlina lamah kan thangharh thar hle a. Mi mal, chhûngkua, Pâwlho leh Kohhran ten thawktu kan châwm a. Mumal zâwka thawktu châwmna hi kalpui a nih theih nân Synod Ramthar Board chuan kaihhruaina a siam a. Synod chuan siam thât ngaite siam thain a pawm a (Synod 1986:39; App. No. 9).

Chu Kaihhruaina chuan Kohhran tina Ramthar Committee din te, Châwmna pawisa Tualchhûng Kohhran Committee-a theh luh te, Châwmna chu Kohhran hming chauhvah kaltîr te, châwm duhte chu Tualchhûng Committee-in a hui khâwm zâwnga tan lâk te, thawktu Châwmna head - Tualchhûng leh Biala telh te, châwm neiten kum khat tal châwm te, châwm lai chhunzawm thei lote chuan Synod Financial Year tawp hma thla hnihah Ramthar Office-ah hriattîr tûr a nih thu te, Ramthar Field tlawh chungchâng te leh he kaihhruaina hi kum thum chhûng enchhin phawt a nih tûr thu te a tel a.

Kum thum a lo ral chuan Synod chuan hetiangin a rêl ta a: *‘Thawktu Châwm hi awm zêl se, châwm bîk awm tawh lo sela, châwm zât chauh chhinchhiah ni se. Châwmna rate hi ₹ 750/- ni tawh lovin ₹ 1,000/- ni tawh se. A chanvea châwm duh tân pawh châwm theih ni se. Kum nga hnua hennawn ni se,’* tiin (Synod 1989:39).

Kum nga a ral hnu chuan Ramthar Board chuan kalphung pangngaia kal a rawt a. Synod chuan pawmpuiin kum nga dang hman leh phawt chu tha a ti a (Synod 1994:52). Kum 1999-ah Ramthar Board-in châwmna rate hman chu la tha zêla hriain Synod-ah a ngaia kalpui a rawt a. Synod chuan an rawt ang hi a tha e (Synod) 1999:51) tiin tûn thleng hian chutiang chuan kan la hmang ta zêl a ni.

Châwmna hi Sponsorship a ni: Sâp tawnga ‘Sponsor’ tih hi Mizo tawngin ‘Châwmna’ tiin kan lo letling a. Hei hian ngaih sual a ti-awlsam deuh niin a lang. ‘Tanpuina’ emaw ‘dona’ emaw tih ni ta se, a pawmawm deuh mahna. ‘Châwmna’ hi Missionary lâwmman/hlawh zât a ni lo va, an sênso zawng zawng a khuh tihna a ni lo bawk.

Entîr nân, TV programme-a Special Report hi sponsor-tu eng emaw zât an awm thîn a, an sponsor-na zât pawh a danglam thluah thîn. Synod hian thawktu kan sponsor-na zât hi bituk thain a hria a, thla khatah ₹ 1,000/- a sponsor tûrin a rêl ta a ni. Hei hi ‘thawktu châwmna’ tiin kan sawi a, a tawngkam hian Sâp tawnga a nihna a letling tha tâwk lo deuh niin a lang.

Synod-in Pathian hnêna Sâwma pakhat pêk dân tûr a ruahman chu 5:3:2 a ni a. Hei hi 3:2:1 anga sawi an awm thîn a, hriat fuh loh vâng a ni âwm e. Thawktu Châwmna hi Sâwma Pakhat (5:3:2) aţanga pe lovin, kan chan tûr (Sâwma pakhua) aţanga pêk tûr a ni a. Kan rawngbâwlna tûlzia leh hmachhawp te thlirin, thawktu Châwm kawngah hian theih tâwp chhuah a pawimawh hle. He policy hi Pathianin nasa takin mal a sâwm a, a hmang hle.

XVIII. RAMTHAR NI: Kan hriat angin August 31 hi Ramthar Ni a ni a, Mizorama Presbyterian Kohhran rawn dintu Rev. David Evan Jones (Zosâphluia) Mizorama rawngbâwl tûra a lo thlen ni a nih vângin Mizoram Presbyterian Kohhran tân Ni pawimawh bik a ni.

Mizorama Chanchin Tha rawn thlentu hmasa ber (Pioneer Missionary) Rev. William Williams chuan Khasi rama a thawh laiin Syhlet lama Mizo Lung In tângte hnên aţanga Mizote chanchin a lo hriatin Mizorama kal duhna a nei ta a. Kum 1891 March 20 khân Aizawlah a lo kal a, Mistiri leh kut hnathawka inhlawhfate hnênah Pathian thu hrilin, *tract* te a sem a.

Mizoram chanchin chu Welsh ramah a zu sawi a, Welsh Presbyterian Mission chuan kum1892-ah Mizoram chu Missionary tîrh luhna atân a thlang ta a. Rev. William Williams hi tîrh an tum a, mahse vânduaitlâk takin a thi ta mai si a. Mi thar an dap leh a; Theological College-a an zirtîr chhûngin hun a lo vei hman a. Hetih lai hian Arthington-a mi tîrh Rev. F.W. Savidge (Sâp Upa) leh Rev. J.H. Lorraine (Pu Buanga) te kha an lo chhuak a, kum 1894, January 11-ah Mizoram an lo thlang a; Welsh Presbyterian Mission tîrhin Rev. D.E. Jones (Zosâphluia) hi kum 1897, August 31-ah a lo thlang ve leh ta a.

Kum 1972 Mizoram Synod Inkhâwmpui chuan, Synod Ramthar Board-in, ‘August ni 31, Pu Zosâphluia Mizorama a lo thlen ni hi Synod Ramthar Ni atân hman ni se’, tia a rawtna chu pawmin, kum 1973 aţang khân ‘August 31’ chu ‘Ramthar Ni’ atân hman t̄an a lo ni ta a ni.

XIX. TLÂNGKAWMNA:

Ramthar rawngbâwl hna hi kan Pathian mission ropui ber a ni a. Chu hna chu Kohhranhovin hna pui bera ngaia ka thawk hi kan tih âwm rêng ti kan ni a. A lâwmawm tak zet a ni. Mizoram Synod hian tûn aia nasa zâwka tih theih kan la neih zui zêl pawh a beiseiawm hle. Kan hma lâk tawhna vêk hi chu tûn aia nawr nat pawh a la tûl zêl ang. Lal Isua la ring ve lo Isua hnêna hruai tûr an la tam êm êm a, kan Lal Isuan, “Buh seng tûr a tam hle si a, nimahsela a thawktute an tlêm,” (Mt 9:37) a tih ang khân khawii Field mah hi kan la al hneh lo a ni deuh ber mai. Buh seng tûra thawk tûrte tîr tûrin buh Neitupa hnênah kan tlûk luh zêl a la ngai a, tûn aia nasa zâwka thawk tûrin t̄an lâk a la ngai nasa hle a ni.

SYNOD MISSION BOARD HNUAIA THAWKTU ZAT 2024

Sl. No.	Field Hming	Hawn kum	FS/AS/Director/ In-charge	Pastor		Pro. Pastor		Minister		Missionary		Field Worker			Masih Sangati thawktu	Daily	Voluntary	TOTAL	Kraws Sipai/ Sponsored Missionary
				Mizo	Field Worker	Mizo	Field Worker	Total	Permanent	Contract	Total	Permanent	Contract	Field Worker					
1	Home Mission North*	1949		15		4		19	79	119	198			0				217	
2	Barak Area	1975	1	5	7		1	14	35	63	98	9	98	107	5	1		225	77
3	Tripura	1986	1	10				11	36	81	117		102	102				230	223
4	Home Mission South	1987	1	2		1		4	46	211	257			0	13			274	69
5	Calcutta	1988	1	7	1		1	10	7	55	62	3	93	96	70			238	17
6	Siliguri	1988	1	5	1			7	11	28	39	3	33	36				82	21
7	Delhi	1988	1	4				5	2	22	24	1	19	20				49	13
8	Karbi Anglong	1989	1	8				9	28	64	92		83	83				184	32
9	Arunachal East	1991	1	4	2		1	8	19	64	83	6	70	76	6			173	1
10	Lucknow	1999	1	5	1		1	8	4	28	32		37	37				77	11
11	Patna	1999	1	5		1		7	6	42	48		31	31				86	18
12	Nepal	2000	1	4	4		1	10		31	31	3	40	43				84	33
13	Arunachal West	2001	1	3	2			6	19	58	77	2	50	52	10			145	3
14	Jharkhand	2008	1	4	4		1	10	4	48	52		85	85				147	48
15	Assam	2008	1	4				5	24	57	81		23	23				109	20
16	Odisha	2016	1	2	1		1	5	6	29	35		25	25	1			66	7
17	Arunachal North	2016	1	4	2		1	8	9	55	64	3	32	35				107	
18	Cachar Tiangram*	2023		3	2			5	39	93	132		5	5	18	1		161	19
19	Cambodia*	2010	1					1	2		2			0				3	
20	Masih Sangati*	1979	1	8	2			11	16	6	22			0	182			33	
	Vellore							0	1		1			0				1	
	Partnership (Thawh hona)							0	6	8	14			0				14	
	Trainees							0	5	25	30			0				30	
	Tentmaking Missionary (Uttarakhand, Arunachal, Australia, Singapore, Cambodia & Home Mission)																	8	
	Hqtrs. Office, MTC, etc.*							0	36	6	42			0				42	
	TOTAL		18	102	29	6	8	163	440	1193	1633	30	826	856	182	123	2	2785	612

Notes: 1. No. 1 & 18 (HM N & Cachar Tiangram) te hi Headquarters Office-in a enkawl a ni.

2. No 19 & 20 (Cambodia leh Masih Sangati) te hi Field puiting an ni lo

3. Headquarters Office, MDTC Bualpui, Ramthar Hostel, PHBS, Synod Education, Hmangaihna In leh Missionary Training College-a thawktute

Synod Mission Board Statistics 2024

SI No.	Hmun	Hawn kum	Ringthar Jan-Dec 2023	Ringthar Jan-July 2024	Medical Centre	Craft Centre	School		
							High School	Middle School	Primary School
1.	Home Mission North	1949	60	52	18	-	2	4	5
2.	Home Mission South	1987	65	26	14	2	2	7	9
3.	Cachar Tlangram	2023		14	9	2	2	2	1
4.	Masihi Sangati	1979	5,646	2,788					
5.	Arunachal 'E'	1991	92	49	5	2	2	-	2
6.	Arunachal 'N'	2016	84	40	7	2	1		
7.	Arunachal 'W'	2001	112	39	4	2	1	2	-
8.	Assam	2008	72	39	2	1	1	-	-
9.	Barak Area	1975	127	39	11	4	3		
10.	Karbi Anglong	1989	181	119	8		3	3	1
11.	Tripura	1986	1,004	745	7	4	2	4	-
12.	Calcutta	1988	1,143	103	3	9	-	-	-
13.	Delhi	1988	174	323	2	5	-	-	-
14.	Jharkhand	2008	600	659	7	5	-	-	1
15.	Lucknow	1999	60	46	5	4	-	-	-
16.	Odisha	2016	106	40	4	1		1	
17.	Patna	1999	237	125	5	10	-	-	-
18.	Siliguri	1988	129	57	7	5	-	-	-
19.	Nepal	2000	195	115		6	-	-	-
20.	Cambodia	2010	20	12					
TOTAL			10,107	5,430	118	64	19	23	19